

15 onns La Quotidiana

La gasetta rumantscha dal di festivescha ses 15avel anniversari

DA MARTIN CABALZAR

■ **Quels dis sa La Quotidiana festagiars ses 15avel anniversari. La realisaziun da La Quotidiana è stada in pass impurtant e decisiv, per la Rumantschia è La Quotidiana ina pitga indispensabla per la promoziun ed il mantegniment da la lingua rumantscha.** Di per di infurmescha La Quotidiana davart las actualitads ord las valladas rumantschas ed ademplescha uschia ina impurtanta funcziun per l'actualisaziun da la lingua e per l'avischinaziun e la chapientscha vicendaivla tranter las valladas rumantschas. Ella fa quai a moda pragmatica en ils idioms per las parts locals ed en rumantsch grischun per la spierta surregionala. Tras quai contribuescha La Quotidiana tant a la promoziun dals idioms sco a la derasaziun dal rumantsch grischun sco lingua uffiziala surregionala. Quai è ina gron-



L'ediziu d'ina gasetta quotidiana rumantscha è ina gronda sfida. FOTO R. GIGER

da sfida linguistica betg mo per la redacziun, mabain pretenda cunzunt era chapientscha e bainvulientscha da la lectura e dal lectur. Era sche nus essan tuttavie cun-

scients che La Quotidiana na chat-ta deplorablmain betg la medema acceptanza en tut las regiuns rumantschas essan nus persuadids che sia realisaziun è stada in pass

decisiv en la dretga direcziun per concentrar las forzas disponiblas e per avischnar las regiuns idiomaticas.

Considerand il dumber restrenschi d'abunnts ed il modest potenzial d'inserats ord las valladas rumantschas è ina gasetta rumantscha strusch in project lucrativ. La concorrenza da medias novas na periclitescha betg mo La Quotidiana, mabain la pressa en general. Nus essan conscients che La Quotidiana sa exister mo grazia al ferm sustegn schurnalistic da l'Agentura da novitads rumantscha. Ella profitescha dentant era da las sinergias dal concern da medias Südostschweiz. Nus savain cunzunt era bun grà a collavurat(a)s, abunnt(a)s ed inserent(a)s che han cun lur attaschonza dà sustegn a nus en quels 15 onns. Tut quai lubescha a La Quotidiana da guardar cun fidanza e curaschi en l'avegnir.